

Visoki predstavnik u posjeti austrijskom kontingentu u sklopu EUFOR-a

Visoki predstavnik Valentin Inzko posjetio je danas austrijski kontingent EUFOR-a. Tom prilikom informiran je o naporima koji su poduzeti da bi se pomoglo Bosni i Hercegovini i njenim građanima u sklopu akcije spašavanja od poplava. EUFOR je posebno istaknuo dobru saradnju s Oružanim snagama BiH i organizacijama civilne zaštite.

Visoki predstavnik pohvalio je EUFOR za pruženu pomoć u spašavanju života i evakuaciji ljudi na sigurna područja.

“Ono što sada možemo učiniti je da pokažemo našu solidarnost i duboko saosjećanje s onima koji su pogođeni poplavama u Bosni i Hercegovini, posebno s onima koji su izgubili svoje voljene ili čiji su domovi razoreni. Uvjeran sam da će međunarodna zajednica u BiH nastaviti pružati pomoć sve dok ona bude potrebna”, rekao je visoki predstavnik.